

Papsturkunden in Frankreich. Band 5: Touraine, Anjou, Maine und Bretagne., Nr. 77

EVGENIVS EPISCOPVS SERVVS SERVORVM DEI. DILECTIS IN CHRISTO FILIABVS AINORDI ABBATISSE MONASTERR SANCTE MARIE BELLI MONTIS EIVSQVE SORORIBVS TAM PRESENTIBVS QVAM FVTVRIS REGVLAREM VITAM PROFESSIS IN PERPETVVM. Religiosis desideriis dignum est facilem prebere consensum, ut fidelis deuotio celerem sortiatur effectum. Eapropter, dilecte in Christo filie, uestris iustis postulationibus clementer annuimus et prefatum monasterium, in quo diuino mancipate estis obsequio, sub beati Petri et nostra protectione suscipimus et presentis scripti priuilegio communimus. Statuentes, ut quascumque possessions, quecumque bona idem monasterium in presentiarum iuste et canonice possidet aut in futurum concessione pontificum, largitione regum uel principum, oblatione fidelium seu aliis iustis modis Deo propitio poterit adipisci, firma uobis et his, que post uos successerint, et illibata permaneant. In quibus hec propriis duximus exprimenda uocabulis: burgum uidelicet Belli Montis, in quo ipsum monasterium situm est, ecclesiam de Scrinolio, altare sanctae Crucis in ecclesia beati Martini, ecclesiam de Mireio cum ipsa villa, ecclesiam de Saieio, ecclesiam de Auunno cum ipsa uilla, ecclesiam de Tenolio cum earum decimis et quicquid iuste habetis de feudo Emenonis de Chinicheio, ecclesiam de Liezia cum ipsa uilla, ecclesiam de Legio cum ipsa uilla et decimis earum, ecclesiam de Teleio, villam et terram de Charchenaii, villas, que uocantur Eureium, Rupem Monialium, Cuceium, Canauerias, Quinceium, Brueriam ultra Carum flumen, Brueriam super Breisum, terras de Ligogalo et de Stricheio, decimam de Mala uita, ecclesiam sancti Laurentii de Silua, quinque sextarios salis, quos habetis in porta apud insulam Burcardi, quicquid habetis in Creseio, ecclesiam sancti Amandi cum ipsa uilla et decimis, ecclesiam de Cathena cum pertinentiis suis, ecclesiam de Conuerto, ecclesiam sancti Martini de Taueris, ecclesiam de Monestello cum ipsa uilla, decimis et omnibus pertinentiis suis, quicquid Herbertus Bosserii uobis iuste concessit, preterea viginti IIIIor modios inter granum et uinum et septuaginta solidos, quos Symon dominus castri Balgentiaci uobis in eodem castro pietatis intuitu donauit. Decernimus ergo, ut nulli omnino hominum liceat prefatum monasterium temere perturbare aut eius possessiones auferre uel ablatas retinere, minuere aut aliquibus uexationibus fatigare, sed omnia integra conseruentur earum, pro quarum gubernatione et sustentatione concessa sunt, usibus omnimodis profutura, salua ecclesiae beati Martini Turonensis canonica reuerentia et thesaurariae iustitia. Si qua igitur in futurum ecclesiastica saecularisue persona hanc nostrae constitutionis paginam sciens contra eam temere uenire temptauerit, secundo tertioe commonita, si non satisfactione congrua emendauerit, potestatis honorisque sui dignitate careat reamque se diuino iudicio existere de perpetrata iniquitate cognoscat et a sacratissimo corpore ac sanguine Dei et domini redemptoris nostri Iesu Christi aliena fiat atque in extremo examine districte ultioni subiaceat. Cunctis autem eidem loco iusta seruantibus sit pax domini nostri Iesu Christi, quatenus et hic fructum bonae actionis percipiant et apud districtum iudicem premia eterne pacis inueniant. AMEN. AMEN. AMEN.

R. Ego Evgenius catholicae ecclesiae episcopus ss. BV.

Ego IMARVS Tusculanensis episcopus ss.

Ego Nicolaus Alban(ensis) episcopus ss.

Ego Gregorius presb. car(d). tit. Calixti ss.

Ego Hvbalduſ presb. card. tit. ſancte Praxediſ ſſ.

Ego Aribertuſ presb. card. tit. ſancte Anaſtaſie ſſ.

Ego Iordanuſ presb. card. tit. ſancte Suſanne ſſ.

Ego Otto diac. card. ſancti Georgii ad uelum aureum ſſ.

Ego Octauianuſ diac. card. ſancti Nicholai in carcere Tulliano ſſ.

Ego Gregoriuſ diac. card. ſancti Angeli ſſ.

Ego Guido diac. card. ſancte Marie in porticu ſſ.

Ego Iacintuſ diac. card. ſancte Marie in Coſmydyn ſſ.

Dat. Ferentini per manuſ BOSONIS ſanctae Romanae eccleſiae ſcriptoriſ id. ianuarii,
indictione XIIIa, incarnationiſ dominicae anno Mo. Co. quinquageſimo, pontificatuſ uero
domni EVGENII III PAPE anno ſexto.